


欽定八旗通志

人物志

卷一百
九十三



欽定八旗通志卷一百九十三

人物志七十三

大臣傳五十九

漢軍鑲黃旗五

張允隨

范時

范時紀

釋楊廷璋

范時綬

英廉

張允隨

張允隨漢軍鑲黃旗人祖一魁福建邵武府知府

有政績祀名宦祠允隨由監生捐光祿寺典簿康

熙五十三年授江南寧國府同知五十七年擢雲

南楚雄府知府雍正元年六月調廣南府旋丁憂
二年十一月

特用曲靖府知府十二月擢雲南糧儲道五年六月遷雲
南按察使十一月擢布政使八年五月調貴州布
政使八月授雲南巡撫十年十月疏言鎮沅府恩
樂縣新政土爲流請設鎮沅府教授一員恩樂縣
教諭一員二學取進童生各八名下部議行十二
月疏言滇省各府州或兵少米多或兵多米少米

少則挽運維艱米多則紅朽足慮請將廣南廣西
鶴慶永昌曲靖永北尋甸羅平南寧太和南安鎮
雄保山新平支山會澤等處額徵條銀每兩折收
米一石阿迷寧州雲龍雲州鎮南通海蒙自姚州
元謀等處額徵秋米每石折銀一兩其普洱攸樂
威縣鎮沅等處以一兩折給兵丁不敷買食請酌
增以癸丑年爲始停止採買十二年九月疏請於
廣西府開鑪鼓鑄均議行十三年八月疏報蒙化

府墾田二十六頃有奇乾隆元年疏請昭通府屬
之永善縣增設縣丞一員駐劄副官村其副官村
巡檢移駐古寨歸魯甸通判轄二年署雲南總督
十月疏言滇省水利與別省不同非有長川巨浸
可分疏引注其水多由山出勢若建瓴水高田低
自上而下宜疏濬溝渠使盤旋曲折加以木規石
槽引令飛渡間有田高水低處則宜車戽遇雨水
漲迅流直下不能停滯則宜濬塘築壩蓄洩得宜

使兩岸均沾灌溉至低窪之處下流多係小港水
發未能暢流恐致淹漫則當疏水口以資宣洩如
遇山多沙積又當築堤以護田畝滇省水利情形
大概如此歷年已興之水利內有官民協修者有
借公項修分年還款者有動帑興工造冊報銷者
現在勘修水利若不酌定章程難保無推諉之弊
請分晰定例如田間溝洫及一二村寨開壩與應
修之舊有溝堤工小費輕者令地方官查明於農

金定八加通志 卷一百九十三 三
隙按田出夫督率興修如工程稍大出夫外尙有
應須工料者令地方官率士民公議需費多寡於
有田用水各戶照田分派先借與司庫公項興修
工竣後分年還款倘有工大費繁非民力能勝者
則勘定情形估詳結報卽於雍正九年官莊變價
項下動給工竣另委確勘取具冊結題銷則已興
之水利旣得永遠保固未興之水利亦可次第查

修報

聞三年三月疏請停鑄運京錢五年三月疏言滇鹽不
敷民食查安寧州有洪源鹽井試煎一年獲鹽二
十一萬六千斤運至省城行銷麗江府有老姆鹽
井試煎一年獲鹽一十八萬四千一百二十一斤
分撥鄧川劍川浪穹三州縣行銷俱定爲年額得
旨此事若能妥辦實有益之事也六月署貴州總督六
年三月報獲隣省妖言結夥之要犯黃順等

諭曰汝不以五日京兆而於此等事無不盡心辦理實

屬可嘉是月疏劾台拱營叅將趙國儀縱兵搶火盜帑誣良

上獎其不避嫌怨四月署雲南總督七年三月奏請木
欺古地方設汛兵一百駐劄文職一千總一外委
一並於川江兩岸設六塘每塘兵十名所設弁兵
於昭通鎮標四營抽撥一百東川本營抽撥六十
遴選千總外委各一文職將就近巡檢移駐下部
議行六月疏言准部咨各省標營增設兵量加裁

減查雲南惟昭通鎮普洱鎮有增設兵額均屬極
邊衝要未可議裁惟有通核合省之標鎮營協按
兵額多寡均勻攤減庶於通省營制無畸輕畸重
之患請將督提二標各裁兵一百撫標裁四十臨
元等九鎮各裁五十廣羅等十五協營各裁三十
順雲營裁二十共應裁一千一百六十名先裁餘
丁四百四十八名遇缺出漸次開除停補於營制
並無更張從之先是允隨請開通金沙江水道

上命都統新柱四川總督尹繼善會勘十一月疏言臣
與新柱尹繼善和衷查勘金沙江發源西域入滇
經麗江鶴慶永北姚安武定東川昭通七府至敘
州府滙入川江源遠流長實爲西南大川自東川
府以下南岸係滇省北岸係川省夾岸營汛分布
田廬相望至大井壩以上南岸尙有田廬北岸俱
高山峻嶺山後卽沙馬阿都兩土司地從前棄在
蕃境舟楫不至自烏蒙改流設鎮滇省每年赴川

採買兵糧均由敘州新開灘至永善縣黃草坪五
百八十里泝運其黃草坪至金沙廠六十里亦商
賈販運之川路內有大漢漕凹崖三腔鑼鍋耳等
灘水勢險急冬春之際商船難行應興工修理俾
下游無險上游自金沙廠至濫田壩二百二十七
里共十二灘而濫田壩最險次則小溜筒臣親至
灘頭相度小溜筒係於山根石嘴鑿出石槽雖因
江水未退石槽尙未露而江流迅急斷無沙石淤

金定八旗通志 卷一百九十三
塞之患濫田壩灘長四里現在水長丈餘南岸所
開子河亦未露出詢之水手俟江水再退數尺卽
可通舟至開鑿子河之處離山甚遠下係稻田無
俟防其冲塞自雙佛灘至蜈蚣嶺險灘鱗接石巨
工艱縱加疏鑿下水仍屬堪虞臣業令改修陸路
以避十五灘之險滇南僻處極邊設遇水旱米價
騰貴令以次開通川道可以有備無患

諭曰旣可開通妥協爲之以成此善舉十二月疏言普

洱府係新闢苗疆所屬寧洱縣管轄苗寨遠者五
六百里每年納秋米供普洱鎮兵糧沿途高山密
菁牛馬不能馱運肩負往返十餘日其地有刀耕
火種產米無多者又有祇堪種莠不能植稻者完
納本色甚爲艱苦請照攸樂縣例每石折徵銀一
兩地方官採買給兵部議從之八年五月疏言大
理府洱海發源鶴慶府之瀾沮河至大理合蒼山
之十八溪匯而成海下合趙州蒙化之水由波羅

甸出天生橋入合江鋪而總會於瀾滄江實迤西
巨浸但海身長百二十里廣二十餘里而出水之
天生橋一帶海口濶不及一丈每當大雨水漲海
口子河輒致砂石衝塞河傍各溝冲沙成埂水溢
倒流致太和趙州鄧州及浪寧賓川之沿海田畝
不免淹浸而鄧州之東湖西湖低田時被水患臣
飭令太和等州縣調集民夫於正月興工築壩將
海口子河開寬二丈濬深五尺餘自波羅甸劉家

園打漁村清風橋黑龍橋子河橋三道子河直達
天生橋逐節開濬或施人力或用牛犁壘石砌堤
外栽柳樹其最要之趙家園拱沙龍則用犁木爲
椿傍溝亦俱修石壩外栽茨柳沙去流暢不特近
水州縣無漫溢之患且涸出海田約一萬餘畝卽
令附近民認墾照民堤民修之例責成墾戶五年
大修一次按田出夫合力疏濬報

聞是月授雲南總督兼管巡撫事務九年四月疏報東

川府阿壩租地方開採銅礦試煎一月獲銅四萬餘斤

上獎為甚善之舉十年三月加太子少保十二年三月授雲貴總督七月奏言貴州在在苗疆簽設土弁原為綏輯苗民豈容私收濫派甚至串通蠹役藉端嚇詐查苗獮雖種類各殊皆具人心如果撫馭得宜自不至激成事變臣嚴飭苗疆文武毋許滋擾至苗人滋事率由漢奸勾結臣飭令地方稽查

倘有外來奸匪入寨煽惑者立即擒拿究治奏入諭曰此所謂中肯綮之論也實力為之十月疏言黔省思州等府與湖南接壤今辰沅一帶饑民百餘人赴滇挖蕨度日彼地秋收既薄被災諒不止此百餘人恐交冬以後乏食貧民來者益眾採蕨不足資生臣仰體

皇上愛養黎元至意即飛飭貴州布政使糧驛道於備公銀內動銀三百兩差員星往思州會同地方官

按大小口每名酌給三個月口糧銀兩以資接濟
並飭查明續到人口卽一體散給安置

上嘉之十五年正月授東閣大學士兼禮部尙書三月
加太子太保十六年三月卒遺疏上

諭曰張允隨簡任中外宣力有年忽聞溘逝朕心深爲
軫惻應得卹典察例具奏旋

賜祭葬謚文和

范時繹

范時繹漢軍鑲黃旗人大學士文程孫兵部尙書

承勳子初授佐領遷叅領雍正元年正月授馬蘭
口副將二月擢總兵四年四月

詔署兩江總督八月遷正藍旗漢軍都統五年六月調鑲

白旗漢軍都統皆仍署總督疏言江南通州地勢

西高東下河水由江入海以通州爲咽喉必水口

深通蓄洩得宜則泰州如臯均受其益通州運河

入海之口凡三處觀音壩逼近大江地屬浮沙鹽

倉壩之水高於江水俱難建閘惟唐家壩舊存閘
基距江二十里中間稍淤請行修復旁有兩小閘
一律開通改爲石涵洞於農田水利有益十二月
奏將江蘇安徽各州縣應徵丁銀勻入地畝內徵
收以雍正六年爲始均從之先是給事中許承宣
條奏揚州水利

勅下時繹等定議六年二月覆奏五塘久淤成陸民墾爲
田難以改挑惟塘內溝汊築土壩截水塘外帶子

溝烏塔溝槐子河可以挑通接運河之水以灌兩
岸民田至串場河爲高郵寶應江都泰州興化鹽
城如臯等州縣湖河入海尾閘年久未挑海口浮
沙仰面河身淺窄急宜挑浚而下河七邑興化地
最窪諸水滙歸分流東注又梓新車路白塗海溝
界河等俱應疏深俾直達場河其場河自泰屬富
安場至鹽屬伍佑場王家港牛灣等處並宜深挑
又泰州城北鮑家壩之運鹽河應築土堤劉莊之

青龍橋鹽城之石磯口天妃口廖家港草堰口如
臯之苴洋黃沙洋宜增建石閘董家溝徐家涵等
處應設涵洞以資宣洩三月疏言江屬蘆洲坍漲
不常丈勘之年以漲補坍致彼此混淆請將兩江
蘆洲田地邊員清丈分割疆界錢糧案件酌歸附
近州縣管理均下部議行是月擢戶部尙書仍署
總督六月條奏兩淮鹽務七事一各竈燒鹽處令
商人舉幹練殷實者按場酌用數人設竈長巡役

查核鹽斤多寡盡入商垣以杜竈丁私賣一各場
大使將入垣鹽斤按月冊報巡鹽御史衙門察核
一州縣場司設十家保甲遇私販據實首明治罪
私鹽變價分別賞給証者反坐徇隱州縣場司官
照例議處一兩淮所轄隔省鹽務案件請飭湖廣
江西河南各驛鹽道督緝就近審結一兩淮地方
遼澗私梟易於盤據飭官弁兵役巡查緝拿一場
員雜職賢愚不等請令督撫將所屬場官甄別留

任餘請揀發家道殷實之候選同知等員管理場務一貧民許負鹽四十斤於不銷官引地方易米度日如有假託運送窩國嚴拿治罪又言漕標廟灣鹽城二營沿海汎遠兵少稽察難周請於射陽湖口窈子港增守備把總各一兵二百沙船八分撥遊巡部議從之七月

上以蘇松等處盜風不息巡撫陳時夏不以時嚴拿懲治范時繹戢盜之才亦覺不足

詔將江蘇所屬七府五州盜案俱令浙江總督李衛管理
七年

詔發帑銀交各督撫提督營運濟兵江南督標兵千一百七十應領銀六千時繹慮標員有侵擾弊奏請將應領銀承買入官變價房產交坐落州縣官招租解總督衙門發中軍以備惠濟

上嘉其妥協時李衛訪得江寧有張雲如者以符咒惑人謀不軌遣遊擊馬空北齋文提拿而時繹及按察

使馬世烜回護失察咎又曾與雲如往來輾轉關
查不解八年二月衛疏劾之

命尚書李永陞會鞫得實解時繹任論世烜罪雲如等伏

誅五月

命時繹協理河東河務七月河東總督田文鏡叅時繹於

伏沃時安坐誤工請革職嚴審

諭曰范時繹乃一旗員朕念其爲勲臣之後加恩擢用諄
諄訓誨望其克紹家聲乃在江南總督任內玩愒廢弛

因循苟且無一察吏安民詰奸禁暴之善政且其居心

行事詐僞不誠巧令朱鴻緒在朕前奏其操守廉潔至

於日食不敷朕聞之惻然動念急令江南江西巡撫等

爲伊籌畫養廉之道及查明之後始知伊於應得之項

原係收受並不致於艱窘而朕猶欲俾其用度寬餘仍

令加增以與之無非成就其操守使之專心殫力於封

疆也乃江浙地方漸藏匪類生事不法蠱惑人心朕令

李衛悉心查拿又密諭范時繹務必慎密拿解勿使漏

網豈料范時繹祖護私交縱容匪類竟有與馬世炳通同作弊之事各犯供據鑿鑿不能掩飾朕又密諭李衛於審訊定案之時留意保全勿使罹於重罪蓋猶諒其交結黨逆之心不過瞻徇情面之所致且范氏一門現今爲大員者止范時繹范時捷兩人耳勲臣後裔漸至零落朕心不忍所以委曲成全之者至矣范時繹到京朕不肯令其罷斥廢棄特命料理太平峪吉地工程以爲効力自新之路適因北河總督不得其人於是命伊

前往膺茲重任伊出京之時朕面加訓勉伊自陳感恩悔過願圖後效情詞懇切豈料范時繹下愚不移以本身專司之務又當伏汛危急之時田文鏡所委各員俱上緊搶護而范時繹安坐於旁竟同陌路視國事如弁髦視民命如草芥此等負恩溺職之愆在他人尙且不可况范時繹之身乎著革職將一切工程交伊加緊防護俟伏汛過後拏送來京將伊從前所犯罪案悉行查出從重定擬具奏部議歸於張雲如案內論斬十一月

奉

旨釋放授鑲藍旗漢軍副都統十年四月授工部尚書兼

鑲黃旗漢軍都統七月兼管刑部事尋

命兼管兵部事不必再兼刑部十一年兼內務府總管十

二年

上以時繹玩愒性成革尙書任十三年四月侍衛保柱又

以時繹行賄銷事叅奏

詔交部治罪尋遇

赦釋放乾隆六年卒

楊廷璋

楊廷璋漢軍鑲黃旗人世襲佐領雍正七年由筆

帖式授工部主事遷員外郎中十一年遷廣西桂

林府知府乾隆二年遷左江道十五年擢按察使

二十年遷湖南布政使二十一年擢浙江巡撫二

十二年

上南巡

賜以詩曰監司經久任自是悉民情要以能倡率寧惟
貴潔清艱難九年蓄生聚五方盈饑溺吾心切勤哉
撫卹誠

諭曰西湖之水海寧一帶田畝藉以灌溉今聞沿湖多
有佔墾將來湖身日漸壅塞海邑田畝有涸竭之虞
於水利民田均有未便除已經開墾成熟者免其清
出外嗣後不許再行侵佔廷璋尋奏此項田地多礙
水道若仍准存留恐日漸淤塞請概令開挖歸湖

照蘇堤式沿岸栽柳以防侵佔根株盤結亦可固
堤

上嘉之三十三年三月奏請仁和錢塘蕭山三縣江塘
照海塘例以二十丈爲準按段編號立石仁錢二
縣江塘除民房堤岸外餘二十餘里照海塘例每
二里設堡夫一建堡分防從之九月

諭曰戶部據楊廷璋咨梁詩正現在丁憂應否仍在家
食俸因爲具奏請旨甚屬非體現任官員遇有事故

尙卽停俸其在家食俸者自不待言此非爲節用乃
教孝之大經也國家優眷臣工特昭異數梁詩正曾
以尙書協辦大學士豈每歲必需較此俸入者料梁
詩正身爲大臣且現處苦塊中必不至鄙陋見小若
此楊廷璋或據地方官之請輒爲咨部則不惟不知
大臣養廉之意且獨不爲梁詩正稍留地步耶楊廷
璋不免有心徇情著交部察議尋議降二級留任二
十四年三月奏言台州府屬太平縣黃巖場沿海

未墾沙塗徹底清查於適中地立界迤南者歸竈
迤北者歸民築塘試種戶以百畝爲率分限起科
可得腴產十萬畝得

旨嘉獎四月授浙閩總督十一月奏言內地洋船赴番
貿易每冒混請照臣飭屬查明換給的實姓名年
貌執照查對相符方准放洋回棹時人數缺少卽
嚴究勒限追回以杜越販偷漏

諭勗其實力整頓十二月奏言臺灣穀賤妨農內地歉

收民人每偷渡就食查禁終難盡絕不若酌寬米禁內地米增價必平減應請往來臺廈之橫洋船每船准販米二百石穀倍之糖船照例准帶食米六十石米船自臺灣鹿耳門出口收入泉州廈門編號給照開報米數令商及船戶呈驗繳銷如所議行二十五年奏請水師副將叅將照陸路例不准以本省人補本省缺遊擊都司守備等官照陸路守備例以隔府別管缺題補部議允行先是督

臣楊應琚因臺灣地近番飭查勘按界挑溝築土牛以杜私墾至是廷璋奏請酌定章程一彰化縣沿山番界車路旱溝外各有溪溝水圳山根爲界其無溪圳處則挑溝築土牛爲界淡水廳一帶前僅於隘口立石今酌依山傍溪並挑溝堆土分界一彰化縣沿邊定例番地聽番自墾如新截入彰化界內廣福蔡等十四處並舊界內廣福新莊等五處及新舊界內兼有之萬斗六一處應照例還

番耕管但番黎少諳耕鑿佃民又遷移失業今酌議除番民自耕田均照產管業陞科外至柳樹浦一處該番得價賣出應入官其廣福寮等處以各社通事土目爲管事以各墾戶爲佃人照臺例分別納租餘粟均給衆番一彰化沿邊設隘蔡十處淡水設十八處其守隘兵糧彰化於該番社租粟內撥給淡水向無租粟各社曠埔未墾者尙多應查出報墾以資隘丁口糧疏入報

聞二十六年三月奏言鳳山縣屬阿里港諸羅縣屬斗六門地扼要請將鳳山縣萬丹縣丞移駐阿里港臺灣縣新港司巡檢移駐斗六門從之五月廷璋同福建巡撫吳士功叅奏提督馬龍圖借用公項銀聞臣等察知往盤將銀數歸補應照知人欲告而自首例減等定擬

上責其辦理錯謬於馬龍圖舞文掩飾置之不問究係先出何人之意著據實明白迴奏廷璋覆奏定案時

係臣主稿而審辦則吳士功爲政

勅革士功職發巴里坤効力廷璋革職從寬留任又叅
奏黃巖鎮總兵林洛受網戶贓派兵代爲守網致
淹沒兵丁並捏報匪船掠劫

命革林洛職定罪如例二十七年

上南巡

賜以詩曰西粵昔開府南閩今建牙兼知亦舊制勝任
得卿嘉政有羣黎感身無大耋嗟老成方倚賴調攝

意須加十二月奏言湖州府藉太湖爲尾閭今烏程

長興所屬澗港淤淺請開濬寬深俾歸太湖港口

詔如所請行二十八年十月加太子太保十二月授

體仁閣大學士仍留總督任二十九年三月奏言晉

江縣屬之西倉地處海濱乾隆五年移駐同知一

員距縣寫遠請將同知移駐石獅街較西倉更爲

適中從之時廷璋來京

陛見福建水師提督黃仕簡奏廈門索出入船隻陋規

文武衙門朋比收受請

簡大員清查

上命尙書舒赫德侍郎裘日修前往尋查得廷璋令厯任同知代購物未經發價狀

諭曰舒赫德等查訊道府廳縣供有與總督楊廷璋墊買物件銀兩此項並非黃仕簡前奏溫泰所開總督一萬巡撫八千之本文係屬案外支節但旣經訊出自不應置之不問舒赫德等應向溫泰究詰一切收

受實據如果該督一萬之數實無指証而現在墊買之項特係府廳以陋規爲之墊辦在該督原有應得之咎朕亦不能爲之迴護卽審擬之大臣亦安得謂之吹求督撫等以上司而派委屬員卽已自干不合况價值更有賂墊情事旣確安得復貸其處分現今該督回閩舒赫德等可就近詳悉覈對不難立見分曉卽楊廷璋亦不能稍存諱飾也六月舒赫德等奏仕簡所開一萬八千之單屬虛洋行所開督撫衙

門八千圓係行戶年例貼費其各員代廷璋買物
貼價亦係各員名下陋規不在八千圓數內
諭交部嚴加議處解任來京候旨尋議革任奉
旨從寬授散秩大臣

諭曰楊廷璋令屬員代買人蔘珊瑚珍珠等物衆供僉
同固已毫無疑義若不加之懲創則他省或致效尤
滋甚豈可爲訓朕特念楊廷璋年齒就衰平時尙能
實心任事不忍遽加擯棄此朕格外加恩薄懲示警

十月授正紅旗漢軍都統十二月授工部尙書三

十年六月署兩廣總督三十一年四月小鎮安土

司怕懷隘外有被交陟攻散之沙匪竄入官兵緝

獲廷璋奏俟審明押赴隘上照會該國王遣頭人

公同正法未幾交陟夷日報該國隘口聚匪搶掠

現督兵擒捕懇內地堵截廷璋復奏

聞派將弁嚴守卡隘不使外匪竄入

諭曰楊廷璋此論似是而實非交陟素屬恭順謹守藩

服原不宜無故加兵卽其現在剿捕夷匪並未干涉內地亦不過攔其竄逸而止設夷匪竄入隘口自當協力擒捕付彼處分以示懷遠之道或交陞兵目藉緝匪爲名擅至邊境滋擾豈可輕縱不究僅以驅逐出口了事又或內地人犯逃匿彼境卽應向其索取倘索而不予卽當聲其罪而追攝之又豈可置之不問乎此等邊地夷情惟應審度事理之當辦與否因時制宜若務爲持重鎮靜之說則養癰貽患其弊有

不可勝言者將此通諭各督撫知之五月崖州定安岐黎糾衆滋擾客民廷璋檄鎮道擒捕治罪奏杜後患事宜一客民久居黎地有田園廬墓者自爲一村編保甲立甲長稽查約束一錢債非違例取息令欠戶清還重利盤剝者追餘息充公禁客民入黎放債一民黎交易飭附近州縣汛地設墟場定期交易一令黎峒總管曉諭熟黎普行薙髮一貢木貢香派總管黎頭運聽地方官選買給價一

凡出入黎峒之人盤詰明白放行遇催徵錢糧公
事票差黎頭飭令交出禁差役入黎滋擾得

旨允行七月奏言鎮安府屬小鎮安土司原設土巡檢
職微難以控制應與歸順州湖潤寨州同一併裁
汰改設鎮安府通判駐劄小鎮安整飭化導宣化
縣那南寨與金城寨相近併歸金城巡檢管理卽
以那南巡檢改爲湖潤寨巡檢小鎮安之南隴連
山地險僻請於界連安南及土富州之那波者賴

者欣等三村各建卡撥兵怕懷大隘近安南爲小
鎮安門戶應撥兵巡緝添設把總一打面梁壤接
滇省應將南燕山一卡移建以資扼要部議允行
十二月

命赴永昌助理軍務三十二年二月奏言總督楊應琚
疾已愈臣遵

旨仍回粵東三月授刑部尙書三十三年正月
命紫禁城內騎馬廷璋時年八十

御書協中延慶額

賜之八月授直隸總督加太子少保十月奏言正定縣城西南近河向築堤壩今秋滹沱驟長逼城應於斜角堤頭增築新堤五百七十六丈至柏棠闌止環抱禦水並折修護堤埽壩斜角堤東接築挑水壩五座河神祠前築魚鱗壩俾河流仍復舊軌又奏言藁城縣東北滹水汕刷應自西北城角起順岸築埽工三百六十丈用排椿葦埽鑲築堅厚埽

後加築土埽保護城垣又奏勘任邱沿淀情形楊各莊等處極窪水漲難洩請改種稻田文安大窪東面界連大城縣舊有堤埽滹溢盛漲注子牙河水高堤頂宜加倍修築文安積水未涸應於龍潭灣等處開堤洩放並從之三十四年正月請撥通倉米十二萬石運各災屬平糶

詔加恩撥二十萬石以爲加賑糶借之用四月奏言滹沱河故道由晉州之東張岔口東流經東鹿之木

邱傾井等村入深州歸衡水縣入滏陽河合流岔
河由東鹿之小王村至冀州亦會入滏河乾隆二
十四年南徙由東鹿西南之曹家莊至寧晉縣之
營上村歸滏河以致舊河淤墊東鹿向距河遠上
年滹水盛漲河行故道木邱傾井等村復成巨浸
河面寬深間有應裁灣取直處已開挑完竣惟東
鹿護城堤埵年久坍塌亟應修築奏入報

聞十一月奏言四旗廳現存米萬九千餘石久貯虞致

霉朽熱河廳應購米萬三千餘石定價每石一兩
九錢九分不敷採買查四旗原買米價每石八錢
四分請將四旗現存米撥給熱河既無需增價而
四旗又可照原價稍盈於兵糈帑項有益

詔如所請行三十五年春

上巡天津

賜以詩曰總督而兼巡撫事歷來保定此掄賢入閩威
望原騰舊三輔循聲俾繼前練士安民惟要矣疏河

欽定八旗通志 卷一百九十三
導定向勤旃春巡本務茲懸示供帳寧當謂力宣閩
五月以北運河一帶淺阻請將運通船糧酌留天
津北倉

命截留二十萬石七月奏言武清東安寶坻寧河永清
香河六縣雨多被淹貧民待哺甚殷復請將被災
六分以上者八月內先普賑一月俟冬初加賑並
請照例兼用銀米其米卽於天津截留漕糧內動
撥從之

詔再撥通倉米二十萬石部庫銀五十萬兩以資分給
尋奏言各屬常平穀尙未買足今歲天津舊欠復
經蠲免各州縣倉廩所存尙恐不敷得

旨再加恩撥通倉米二十萬石俾得寬裕賑給貧民口
食益資接濟九月奏言唐三營官倉向貯米萬二千
石乾隆四年熱河總管巴圖奏定五年一次運至
熱河喀喇河屯貯倉搭放兵餉仍將熱河同知添
買兵米撥萬二千石運赴唐三營倉歸欵五年後

仍照前運至熱河喀喇河屯倉往返徒滋糜費請將唐三營米於此次運喀喇河屯後毋庸再爲撥抵將唐三營空倉歸熱河四旗二廳分貯採買米穀唐三營原設千總一兵三十移駐布達拉廟又奏言古北口爲畿輔重鎮兵糈向藉口外販運應請撥熱河廳穀六千石四旗廳穀四萬石喀喇河屯穀一萬四千石運古北口建倉存貯并移駐滿缺同知一員經理停密雲縣採買兵米卽於古北

口倉內動支並

允行十月奏直隸各屬需賑銀約八十餘萬兩前所撥不敷得旨著加恩於部庫內撥銀三十萬兩又奏滹沱河向設歲修之項因河流南徙停止今河又北徙請仍撥項購料隨時修防奏入報

聞十二月奏言熱河應買明歲兵米時價稍昂請撥八溝米運熱河備用俟來年價平買補還倉從之三十六年八月奏言蒙古游牧地方向禁民墾而克

欽定八旗通志 卷一百九十三
什克騰隙地無礙游牧蒙古兼可得租養贍請照
土默特佃種收租例除礙游牧者不准私墾餘聽
自便廷議允行十月授刑部尚書十一月恭遇
孝聖憲皇后八旬萬壽廷璋與九老之列

賜遊香山十二月卒三十七年正月

諭曰楊廷璋久任封疆老成歷練前因年逾八旬畿輔
事繁恐未能鉅細周到是以用爲刑部尚書見其精
力尙未頽邁於部務自可從容經理乃去冬偶感風

痰遽聞溘逝深堪軫惜著加恩晉贈太子太保應
得卹典察例具奏尋

賜祭葬如例謚勤愨

范時綬

范時綬漢軍鑲黃旗人大學士文程孫雍正十年
由筆帖式補戶部主事累遷郎中乾隆十三年授
山東濟東泰武道十五年遷安徽按察使十六年
五月遷湖北布政使十月署湖南巡撫十七年九

月疏言湖南常平倉穀廷議照雍正年間除額存七十萬二千餘石尚溢五十五萬餘石前撫臣開泰奏准以三十萬石另案存貯備鄰省及本省賑恤以廿五萬石糶價存公上年撥穀十萬石協濟安徽應俟解還糶價日買補惟是湖南上年歉收平糶之穀及本年減價糶濟之穀均應籌補若再將撥運安省穀同時買補民貯必少查湖南應糶溢穀尚存二十萬石請以十萬石撥補協濟安省

原額餘穀十萬石一併歸入另案存貯其安省解到糶價歸藩庫報部撥用

上嘉之十月疏言城步江華綏寧三縣苗疆要缺沅江縣瀕洞庭湖臨湘地當孔道向給養廉六百兩辦公不敷請於地僻事簡之醴陵平江二縣各酌減養廉二百兩武岡州安仁新化石門慈利永定等縣各酌減一百兩分增城步等五縣養廉疏入報

聞十八年九月疏言鳳凰廳舊貯穀萬石建倉石羊哨

地方兵民借糶以山路維艱又倉廩不敷現貯穀七千石缺額三千石未經買補而鎮算鎮土苗雜處並無貯積請將應買額穀三千石於鎮算鎮建倉存貯支領較便得

旨俞允又疏言長沙等處未報陞科田畝已委員丈量照例起徵湘陰益陽等縣續查出私墾千餘頃均瀕洞庭旱歲間獲收成一遇水漲呼賑籲免無補正供請照峯頂湖澤之隙聽民耕種例暫免陞科

備曰俟成腴壤日起徵至洞庭爲受水之區私坑日增

則水口日逼上流受害已飭將坑田礙水道者勸諭拆毀存案嚴禁添築俾水得暢流報

聞是月調江西巡撫十九年以病疏請解任

諭留任調理二十年二月

上以巡撫任重事繁恐時綬精力未充致滋貽誤

命來京

陛見旋以病免二十一年十一月起授戶部侍郎二十

出京二年授正黃旗漢軍副都統二十三年七月署正
命御前侍衛安泰往會審訊滿泰貪婪屬實時綬家人

賞戴花翎馳驛前往二十四年八月副都統定長劾奏

副都統滿泰貪婪敗檢及時綬役兵漁利狀

命御前侍衛安泰往會審訊滿泰貪婪屬實時綬家人

藉端營利時綬不知情所開店房用官匠一餘皆

自雇並未役兵

諭曰滿泰情罪確實已命於該處正法范時綬係特差

辦事之人理應潔已奉公乃營私求利卽治以重罪

亦所應得但較之滿泰尙可少從末減著革職交與

定長令其効力贖罪二十五年由闡展運羊至阿克

蘇

賞叅領銜二十六年六月由烏嚕木齊運羊至伊犁並

懇辦送回空駝隻後仍赴伊犁効力

諭曰范時綬前因解送阿克蘇羊隻妥協曾賞叅領職

銜此次更屬奮勉著加恩授頭等待衛烏嚕木齊亦

有應辦事務仍在原處行走不必又往伊犁二十八
年

詔回京二十九年授鑲藍旗漢軍副都統三十年閏二

月授吏部侍郎六月往哈爾沙爾辦事三十一年

正月授左都御史仍留辦哈爾沙爾事三十二年

五月授湖北巡撫十一月

召見

上以時綬奏對時神氣短弱恐於封疆重寄難任煩勞

命留京另用三十三年三月授正白旗漢軍都統六月

授左都御史三十四年補公中佐領三十五年閏

五月授工部尚書三十六年二月調刑部尚書十

月

命專辦正白旗漢軍都統事務四十七年卒子宜恒現

官正藍旗漢軍副都統署工部侍郎

英廉

英廉內府漢軍鑲黃旗人姓馮雍正十年舉人由

筆帖式授內務府主事乾隆二年

命往江南河工學習補淮安府外河同知六年丁母憂

服闋補直隸天津河捕同知十年遷大名府知府

十四年總督陳大受委查民典蒙古地畝十五年

三月擢永定河道六月總督方觀承奏五月三

十日南岸三工大堤淤溝埽鑲被冲水泛月堤英

蕪匿不報聞六月初二日猶稟稱各工保護平穩

及淤口刷寬復稟稱淤溝於初二初四日形勢漸

變汕刷堤頭捏飾迴護貽誤要工請

旨革審英廉以南岸三工於五月三十日淤溝漲滿月

堤漫開本日即行稟報六月初二日水漲開放十

壩加築子堰復稟報各工保護平穩係指上下兩

岸各工而言並未指南岸三工而言至十六年五

月讞久未定觀承復以英廉輾轉遷延疏請

特遣大臣查審

命尚書舒赫德往鞫尋奏英廉供稱上年五月三十日

命到工大堤淤溝汕刷月堤衝開因思大堤淤口堵
築尙易所以祇報月堤漫溢非有心捏飾至前供
詞支吾實因畏罪非圖狡賴查英廉與廳汛各員
上年汛前並未將淤溝先事預防致水漲埽鑲衝
刷溝頭坍塌已屬疎忽其原稟內不言正壩已開
轉稱鞏固無恙不言月堤衝刷由於正堤先開轉
稱月堤因風雨衝漫咎實難辭應將堵築漫口銀
著落英廉勒限分賠

諭曰據尙書舒赫德會同總督方觀承查審永定河道
英廉捏飾悞公一案英廉身任河道堤工乃其專責
遇有衝決實無所辭咎但其初報月堤漫口而諱言
大堤衝刷或係希冀潛行堵修以圖完局該督據稟
卽應一面查明一面具奏乃方觀承上年六月初二
日奏摺內祇稱一應工程平穩並不將月堤漫口之
處據稟入告亦未必不思以無事爲福是以英廉得
輾轉翻變日久延挨朕彼時早鑒於此卽以報災不

可存粉飾之意批示方觀承亦應服朕之洞燭隱情
自知引咎矣至摺內稱英廉未將淤溝先事豫防以
致大溜直注此語殊未足服英廉之心伊到任未及
兩月淤溝卽有疎忽亦係僧保住任內之事未可以
此爲英廉罪案朕辦事一秉大公旣確見情形如此
不可不明白宣示然以督臣劾一道員自叅自審何
難任意輕重竟行入罪定案仍懸案經年未敢迴護
已見遽爲審結俟特遣大臣前往會同查辦是其心

尙知所警畏亦朕辦理庶政務求至當不容稍存含
混之明驗也英廉等已經革職所有糜費工程銀兩
自應照例分賠還項未幾

命在高梁橋迤西稻田廠効力尋授筆帖式十七年授
內務府主事歷遷戶部員外郎吏部郎中二十年
兼佐領二十一年調戶部銀庫郎中二十二年兼
辦提督衙門事尋調戶部郎中二十五年擢內務
府正黃旗護軍統領二十六年二月授江寧布政

使兼管織造事英廉以父年老懇留京

命賜二品銜十一月授內務府大臣二十七年三月署
戶部左侍郎管理三庫事務九月實授左侍郎二
十八年丁父憂八月

命會勘順天府屬及宣化永平遵化旗地核定租額二
十九年

諭曰英廉奏確查佃戶一摺甚爲得理卽著英廉錢汝
誠會同該督詳悉妥辦務俾農民均霑實惠三十年

兼錢法堂事二十一年疏奏丈出

盛京旗民餘地請

旨飭辦

命將軍府尹定議三十三年管崇文門稅務及

武英殿事務三十四年二月

諭同尙書託庸等總理津送出征緬甸兵事宜十二月
充

經筵講官三十七年以鞫實雄縣知縣胡錫瑛劣款

擬罪寬縱降一級留任三十八年三月充四庫全書館副總裁四月署步軍統領九月

諭獎其辦理送兵妥協議加一級是月遷刑部尙書兼辦戶部侍郎正黃旗滿洲都統事務十月授議政大臣

賜紫禁城內騎馬三十九年七月太監高雲從向左都御史觀保侍郎申保倪承寬吳壇洩漏道府記載侍郎高樸奏

聞

諭曰英廉係內務府大臣於內廷諸事最爲熟悉此等情事豈有不知乃高樸尙有見聞豈英廉竟得諉爲不知朕開誠布公以待諸臣而諸臣轉不能竭誠盡力以圖報効清夜自思良心安在英廉著革職從寬留任復以審觀保等四人交結高雲從罪刑部擬斬候過當

諭責英廉另議九月留京辦事四十年

欽定八旗通志 卷一百九十三
諭曰日前總管內務府衙門奏商人義和泰呈請展限交銀一案是日召見金簡詢係何人收呈奏稱不知何人數日後復召見邁拉遜詢及此事奏係六阿哥收呈交衙門公辦又數日復詢之英廉則稱忘係何人所收衙門中同辦一事豈有不知呈所從來及遺忘何人收呈之理不過邁拉遜據實覆奏而英廉金簡不免含糊隱諱耳蓋英廉金簡在內廷年久心靈曉事明知阿哥不應收呈恐言之於阿哥有礙故不

肯明言殊屬非是英廉金簡著交部嚴議尋部議革任

命寬免仍註冊四十一年正月署戶部尚書兼署協辦大學士十一月時英廉年七十

賜斗南介景額四十二年三月署步軍統領充纂修日下舊聞考總裁五月充翰林院掌院學士四庫全書館總裁尋

命協辦大學士十月調戶部尚書仍兼管刑部事務疏

命請將內務府筆帖式照吏部例三年考試一次分優劣陞黜下內務府議行四十三年疏言直省督撫提鎮等標額設馬步守兵遇有軍流遣犯銅銀餉鞘過境均須護解盤費及修補軍裝器械各費向於兵餉攤扣管弁藉端扣派請將各省朋扣銀暫停一二年入撥分標營生息永作差費下軍機大臣議交直隸督撫約計該省每年差費若干於間欵奏給得

旨允行四十四年暫署直隸總督四十五年三月

諭曰英廉係內務府漢軍人協辦有年著補授漢大學士缺仍管理戶部事務四月以失察書吏作弊革職留任四十六年正月暫署戶部尚書及步軍統領事十一月暫署直隸總督疏陳直隸大州大縣多虧空俱非近年所積若及時籌辦限以四年尙可彌補

命新任總督鄭大進會同軍機大臣核辦四十七年二

月以審擬甘肅鎮迪道巴彥岱受賄罪扶同牽結
議革任

詔寬免三月署步軍統領四月以

恭祀

零壇祝板筆畫模糊下部議革任

命免其革任降級仍註冊八月加太子太保十月復署
直隸總督疏言直隸各倉賑卹後儲穀未能足額
請將天津北倉截存漕米九萬餘石撥補如議行

四十八年正月奏直隸未完耗羨尙有實欠在民
銀三萬餘兩

詔加恩蠲免七月以病疏請開缺

諭在家專心調養不必開缺八月卒

諭曰太子太保大學士英廉老成練達奉職恪勤翊贊
綸扉總司讞典實心宣力倚毗方殷春間偶聞患病
卽遣醫診視並屢經降旨諭令加意調攝以冀就痊
近因病勢轉增懇請開缺復降旨令以大學士在家

專心養病尙冀痊愈後仍照舊入閣辦事今聞溘逝深爲悼惜著派散秩大臣一員帶侍衛十人前往奠醑並加恩入祀賢良祠仍賞銀五千兩俾治喪事其任內降革罰俸處分均予開復應得卹典察例具奏賜祭葬如例諡文肅

范時紀

范時紀漢軍鑲黃旗人大學士文程孫乾隆八年由廕生分工部學習補員外郎十三年管理街道

廳尋陞兵部郎中十五年授廣東糧驛道十六年署廣東鹽運使未幾實授十七年署按察使二十五年引

見

諭曰范時紀以俸滿送部引見念該員爲漢軍世族現在伊家並無大員范時紀著留京以副都統用六月署鑲紅旗漢軍副都統十月實授二十六年三月授工部侍郎十月疏言工部各項工程掌印同各

金定八旗通志 卷一百九十三
員一體派辦但掌印有稽查檔案之責兼派工程
既難留心檔案且遇工程緊迫差分兩地責無專
成請嗣後但於散走司員內揀派四司兩庫掌印
不必兼派如該員辦事實心檔案無誤凡遇保題
保送先儘揀選又尙書秦蕙田奏准派委工程宜
分別銀數多寡以郎中等官籤派到任未及一年
者扣除伏思一年中既未經歷練則一年外豈卽
能熟諳請嗣後到任未及一年者除緊要大工不

派外其滿郎中員外在一百兩以內主事五十兩
以內筆帖式三十兩以內估驗承修各工均令簽
派俾隨時學習漸次諳練俟一年期滿後一體派
辦

詔如議行二十七年奏京南霸州文安固安寶坻天津
靜海滄州青縣等處地低遇水多之年卽廣種秧
稻水小仍可布種秋禾黍稷卽不能皆成稻田或
行於數縣數村亦不無裨益應增隄埝處所一體

添築以護民田資宣洩務使溝洫深通如有急公捐築者予以議敘并卽以工代賑

諭曰此不過以近來一二年間雨水稍多竟似此等地畝素成積潦之區殊不知現在情形乃北省所偶遇設遇冬春之交晴霽日久便成陸壤蓋物土易宜南北燥濕不能不從其性倘將窪地盡令改作稻田當雨水過多卽可藉以瀦用而雨澤一歉又將何以救旱從前近京議修水利營田未嘗不再三經畫乃始

終未收實濟可見地利不能強同亦其明驗但范時紀既有此奏著將原摺抄寄方觀承閱看或有可以隨宜酌採者該督細心籌議具奏尋觀承議京南惟

霸州東北煎茶鋪等數村及文安之畢家房朱家莊

等十數村保定府屬安州之壘頭村新安縣之馬家

寨近濱窪地俱宜稻遇水歉仍聽種黍粟固安寶坻

等處未便概施從之三十年調倉場侍郎三十二年

調戶部侍郎三十四年兼佐領三十六年六月以

恩賞八旗兵丁鰥寡孤獨錢糧時紀未經詳核含糊入
奏議降三級調用

詔從寬留任十二月奉

命祭告太昊伏羲氏陵三十九年兼署禮部侍郎尋仍
調倉場侍郎四十一年三月疏奏臣前赴通惠河
查看沿河緯道修艫船隻閱各閘所換閘板儘可
改作橋梁之用不堪改作亦應變交歸公隨檢舊
案向無回殘且未定更換限期除慶豐平上平下

過水關等四閘舊版向俱改作大通橋朝陽門東
直門三閘閘板照舊辦理外至通流普濟並下游
之南浦減水等四閘每年更換新版舊板並不改
用亦不變價殊屬糜費請將通流等四閘舊板即
作爲本年應換橋梁之用不准另開工價實在不
堪改作者亦令坐糧廳驗明變價爲添置新版之
需并將各閘閘板定限五年外令坐糧廳驗明結
報更換下部議行四十二年調禮部侍郎四十三

年正月

諭曰范時紀年力漸衰不勝侍郎之任著以副都統用
尋卒

欽定八旗通志卷一百九十三

